



Synfocity = 445

4th July, 2013

mail us at : mzsynfo@gmail.com; mizoramsynod@gmail.com - Phone - 2314648

□ Health Sunday & Hospital Sunday

July 7 (Pathianni) hi Health Sunday & Hospital Sunday (Damdawi In Pathianni) a ni a. Mizoram Presbyterian Kohhran chuan Hospital Sunday hi kum 1928 atang khan a hmang tan a, kum 1981 atang khan *July Pathianni hmasa ber* hi ni bik atan hman a ni ta a ni.

Kum 1985 Synod Inkhawmpui thu angin 1988 atang khan January Pathianni hnuhnung berah Phâr Pathianni (Leprosy Sunday) hman thin a ni a (Gen. 27). Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlâk ta a (Gen. 3). Kum 2006 atang khân Health Sunday hi hman tan a ni. Bial KTP Inkhawmpui nen a inruâl chang a awm avângin February Pathianni wavi thumnaah hman thin a ni ta a. Kum 2006 khan *Malaria chungchang* zirho a ni a, kum 2007-ah *Cancer chungchang* zirho a ni leh a, kum 2008-ah *HIV/AIDS chanchin* zir leh in kum 2009-ah *Zuk leh Hmuam* zirho a ni. Kum 2010 khan *Mimal hriseina* tih zirho a ni leh a, 2011 khan *Hrisel nan ei leh in* tih zirho a ni a, nikum (2012) khan *Mit enkawl dan* tih zirho a leh a ni a, kumin (2013) hian Hriselna leh Thianghlimna tih zirho a ni dawn a ni.

Kum 2008 Synod-in Health Sunday leh Hospital Sunday hi Pathianni wavi khatah a ruala hman ni se, tia a rel (Gen. 67) angin kum 2010 atang khan Health Sunday leh Hospital Sunday hi a rualin ni khatah hman tan a ni ta a ni.

Kumin 2013 hian Health Sunday pualin chawhnu hun hman a ni ang a, thilpek lak khawm a ni bawk ang. Thilpek chu Tualchhung Kohhranin damlo tanpui nan tha an tih angin an hmang ang. Zan hun chu Hospital Sunday puala hman a ni thung ang a, thilpek lak khawm a ni bawk ang. Thilpek chu Synod Hospital pual a ni ang a, Bial Treasurer kaltlangin Synod Office-ah theh luh tur a ni.

Kumin Health Sunday & Hospital Sunday atan hetiang hian programme duan a ni:

Chawhnu Inkhâwm

HEALTH SUNDAY PUAL

Thupui : Hriselna leh Thianghlimna

Chhiar tûr : Thufingte 3:5-10; 1 Korinht 3:16,17

Zan Inkhâwm

HOSPITAL SUNDAY PUAL

Thupui : Damna kim Isua

Chhiar tûr : Marka 1:32-34

Hospital Sunday 2013 Report pheh hnungah tarlan a ni.

□ Workshop on Life Skills of a Teacher

Waviin (July 4) hian Campus Ministry chuan Life Skills of a Teacher tih thupui hmangin Kolasib-ah Workshop an buatsaih a, hetah hian Kolasib khaw chhunga Government School, Aided School leh Private School (Elementary School atanga College) zirtirtu zawng zawngte tel tura beisei an ni.

Kolasib Diakkawn Presbyterian Kohhran Hall-ah Primary School leh Middle School-te tan hun hman a ni a, Kolasib Venglai Presbyterian Kohhran Hall-ah High School, Higher Secondary School leh College-te tan hun hman a ni bawk. Workshop neihpui tur hian Rev. V.L. Krosschuanmawia, Campus Ministry Coordinator, Upa Dr. B. Lalrinsanga, Ramhlun Vengchhak; Upa V.L. Zahawma, Ramhlun North; Laldinmawii, Khatla leh Tv. C. Lalremruata, Outreach Worker te an kal.

High School leh Higher Secondary School zirlaite pualin nimin (July 3) chawhnu khan hun hman a ni a, hetah hian zirlaite questionnaire chhan tir an ni.

Campus Ministry hian December 12, 2012 khan Aizawl hmun hrang hrang 11-ah leh May 3 & 10 khan Saitual leh Mamit-ah te Life Skills of a teacher tih thupui hmangin school zirtirtute nen workshop hlawhtling tak an lo buatsaih tawh bawk a ni.

□ Social Front

♦ July 11 (Ningani) hian Synod Social Front chuan Political Education Seminar on Mipui Mawhphurhna, Pi Zaii Hall, Synod Conference Centre-ah a buatsaih dawn a, seminar-ah hian Mizoram chhunga Presbytery tin leh Zoram Pawn Presbytery a Moderator leh Secretary-te bakah Social Front Executive Committee member leh mi thenkhat sawm bikte tel tura sawm an ni. Programme kimchang pheh lehlamah tarlan a ni.

♦ July 12 - 14 hian Champhai Bethel Bial huapin Champhai Bethel Kohhranah Political Education Seminar neih a ni dawn a, hemi neihpui tur hian Pu Lalremruata, Social Front Campaigner leh Pu Lalrosanga Colney, Synod Office-te an kal ang.

□ Zin

♦ July 1 - 5 hian PCI Mission & Evangelism Committee, Shillong-ah neih mek a ni a, committee-ah hian Rev. K. Lalhmimgliana a tel.

♦ July 2 - 10, 2013 chung hian Silchar, Guwahati leh Kohima-ah te Committee leh Office thil pawimawh buaipui turin Rev. Vanlaluata, Senior Executive Secretary a kal a. A awm loh chung hian a mawhphurhna te leh Rev. P.C. Pachhunga, Executive Secretary charge a lak lai te nen Rev. Lalzuithanga, Executive Secretary-in mawhphurhna a la rih dawn a, thil tulah chuan Rev. Lalzuithanga, Executive Secretary pan tur a ni e.

□ Synod Mission Board

♦ June 24 - July 11 chung hian Ramthar Enthatu (Ramthar Commission) member-te chuan Mission Field hrang hrang an tlawh mek a, Commission member-te hi Group 2-ah inthenin Nepal, Siliguri, Kolkata leh Orissa Field-ah Rev. P.C. Pachhunga, Executive Secretary; Rev. Lalthangmawia, Synod Statistician leh Upa Lalramthanga te an thang mek a, Delhi, Patna, Lucknow, Jharkhand leh Mumbai-ah Rev. Zosangliana Colney, Rev. Lianhmingthanga Sailo leh Upa C. Thansiana te an thang mek bawk.

Ramthar Commission member-te hian Field chung hmun hrang hrang fang kualin rawngbawlna kalpui zel dan tur leh hma thar lak dan turte an zirchiang dawn a ni.

♦ June 29 & 30 khan Phuaibuang Bial Inkhawmpui Thurel bawhzuinain Bial chung Kohhran panga-ah Ramthar Campaign neih a ni a, hemi neihpui hian Rev. Lalchuanmawia, Synod Mission Board Secretary; Rev. C. Chawngliana, BEC Member; Rev. C. Lalsangliana, BEC Member; Upa H. Doremthanga, BEC Member; Rev. Lalrinthara, MTC Lecturer; Ni. Liantluangpuii, American Samoa Missionary leh Tv. Zosangzuala Chhangte, Soloist-te an kal.

Contd...

- ♦ June 28 khan Siliguri Field chhung Hatidanga Bial-a Simulbari-ah mi pathum leh June 29 khan Topline-ah mi pathumin Field Secretary, Rev. B. Zobiaktluanga kutah baptisma an chang thar.
- ♦ June 30 khan Patna Mission Field, Harnichak Fellowship Patna ah mi 6-in Field Secretary Rev. R.Lahmingsanga kutah Baptisma an chang a. June 29 khan Pipra Fellowship ah mi 2 in Bialtu Pastor, Rev. R.Zoramawia kutah Baptisma an chang bawk.
- ♦ June 30 khan Ludhiana Fellowship-ah North Delhi Bialtu Pastor F. Pachhunga kutah puitling pahnihin baptisma an chang thar. June 30 vek khan Laimekuri, Arunachal West Field-ah mi sawm (puitling 6 leh naupang 4) ten baptisma an chang thar bawk.
- ♦ Nimin (July 3) khan Jharkhand Mission Field-a Karbindha Fellowship-ah Pastor Vanlalliana kutah mi parukin Baptisma an chang thar bawk.
- ♦ July 5 - 7 hian Home Mission South hnuai Vaseikai khuaa school din rawtna chungchang zirchiang turin Rev. Lalchhuanmawia, SMB Secretary; Rev. C. Chawngliana, BEC Member leh Upa Denghmingthanga, BEC Member-te an kal ang.

☐ **Kristian Thalai Pawl**

- ♦ June 29-30 khan Bawngkawn Hmarveng Branch Leadership Training neihpuiin CKTP hruaitu Tual Upa Lalremmawia leh Tv. R. Lalruatkima te an kal a, training-ah hian hruaitu 40 zinga 38 an tel thei. Inrinni zan, Pathianni chawhnu leh zan hun pek nghal an ni.
- ♦ July 6-7 hian Lengpui Bial Leadership Training neihpuiin Tual Upa Lalhruaizela leh Pu Samuel Laldingliana an kal ang.
- ♦ July 6-7 hian KTP General Conference 2014/Diamond Jubilee lawmna thlengtu tur Khawzawl inbuatsaihna enpuiin Synod Executive Secretary i/c KTP Rev. Lalzuithanga, Rev. Lalrinmawia (Leader), Upa Zonunmawia (Gen. Secy) leh Tual Upa Dr. Samuel Vanlalhlanga (Asst. Leader) te Khawzawlah an kal ang.
- ♦ I Love Taiwan Mission 2013 (June 26-July 13)/Ecumenical Youth Exchange Programme (EYEP) hmangin CKTP hruaitu Upa Zothangzuala Chhangte (Treasurer) leh Pu R. Lahmingthanga (Com. member) te Taiwan-ah an thang mek.
- ♦ CKTP chuan KTP General Conference 2014/ Diamond Jubilee lawmna programme a duang fel thawkhat tawh a, hun remchang hmasaah hemi chungchang bik ngaihtuahin Special Committee an thu leh ang a, programme kimchang puan chhuah theih thuai a ni tawh ang.

☐ **MSSU**

- ♦ June 29 (Inrinni) khan Bethlehem Kohhranah Sunday School Zirtutu Training neih a ni a, training hi Pu John Lalhruaitluanga, MSSU Asst. Coordinator; Upa K. Zoremsanga, Kulikawn leh Upa K. Vanlalnghaka, Ramhlun East (MSSU Trainers) ten an neihpui a, zan Pathian biak inkhawmah Pu John Lalhruaitluangan Fanau enkawl chungchang thuchah a sawi.
- ♦ July 6 (Inrinni) hian Upper Republic Kohhranah Sunday School Zirtutu Training neih a ni dawn a, training neihpui tur hian Tual Upa Lalhahluna Ralte, MSSU Asst. Coordinator; Upa Hrilthansanga, Mission Vengthlang leh Upa H. Lalhlamuana, Bawngkawn (MSSU Trainer) te an kal ang. Zan Pathian biak inkhawmah Upa Hrilthansangan Fanau enkawl chungchang thuchah a sawi ang.
- ♦ July 7 (Pathianni) chawhnu leh zan hian College Veng Kohhranah Naupang leh Tleirawl enkawl dan chungchang thuchah sawi turin Pu John Lalhruaitluanga, MSSU Asst. Coordinator leh Rev. V.L. Krosschhuanmawia, Campus Ministry Coordinator te an kal ang.

☐ **Music**

Ju9 - 11 hian Mamit Hmunsam Bial huapin Kristian Thalai Pawlten Mamit Hmunsam Kohhranah Solfa Camp an nei dawn a, hemi neihpui tur hian Upa F. Lalremthanga, Music Coordinator leh Pu Lalromawia, Music Instructor-te an kal ang.

☐ **Missionary Pastor awmna hmun sawn**

Rev. H. Sangkhuma chu a hnathawhna hmun sawn a ni a, hetiang hian a be duh tan a biak theih e
133 Whitworth Square, Whitchurch, Cardiff CF14 7DP,
Tel. 02921 151399, Mob. 07938550030

☐ **Hruaina Eng FM Radio & TV Programme**

♦ **JULY 5 (FM Zoawi Aizawl @ 7:30 p.m.) :**

Solo : Lallungmuana - Min vengtu ani si, **Zaipawl :** Saron Kohhran Zaipawl - Daipawnah, **Thusawi :** Upa Bonny Lalrindika - Vuivaina i hneh thei, **Duet :** Msa & Estheri - I hming fakin ka zai zel dawn, **Zaipawl :** Lunglei Electric Veng Kohhran Zaipawl - Lal Isua Kross hnuai chuan

♦ **JULY 5 (FM Lunglei @ 7:30 p.m.) :**

Solo : Lallungmuana - Min vengtu ani si, Synod News tawi, **Zaipawl :** Saron Kohhran Zaipawl - Daipawnah, **Thusawi :** Lallungmuana - Lehkha zir dan tha, **Duet :** Msa & Estheri - I hming fakin ka zai zel dawn, **Zaipawl :** Lunglei Electric Veng Kohhran Zaipawl - Lal Isua Kross hnuai chuan

♦ **JULY 7 (TV Programme @ 3:00 p.m.) :**

Zaipawl : Electric Veng Bial Zaipawl - Lalpa chhiahhlawh tuartu, **Round Up :** June Thla, **Zaipawl :** Champhai South BSI - Lo kal ta che, **Bihchianna :** Synod Hospital (Hospital Sunday Pual), **Skit :** Bethlehem Branch KTP

☐ **Susamachar Prasaran Programme**

JULY 7 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Champhai Bethel Pastor Bial - Hosenna, **Group/Choir/Solo :** Aizawl Venglai Masihi Sangati - Balidan, **Sermon :** Rev. Mohanlal Tudu - Yishu Papihong Ko Bachane, **Group/Choir/Solo :** Chawlhmun Masihi Sangati - Tu Pyar, **Group/Choir/Solo :** Zotlang - Sara Zaha

☐ **Moderator Programme**

Synod Moderator Rev. Lalramliana Pachuau chuan tunkar chunggin hetiang hian hun a hmang ang :

- ♦ July 1 - 5 : PCI General Assembly Working Committee, Shillong
- ♦ July 7 (Pathianni) : Ramhlun East Kohhran

HOSPITAL REPORT - 2013

Hospital Sunday hmangtu Kohhran mipui zawng zawngte Lal Isua Krista hmingin chibai kan buk a che u.

Harsatna leh buaina neuh neuh awm thin karah tluang takin damdawi in chuan kum 85-na hmel a lo hmu ve ta. Thilpek, duhsakna leh tawngtaipuina kan dawn reng thin vang a ni tih kan hria a, thla a muangin Pathian leh Kohhranho chungah kan lawm tak meuh a ni.

Damdawi in chanchin tlangpui hetiang hian lo tarlang ila :-

1. Damdawi in khum awm zat (Grace Home - AIDS/HIV enkawlina telin) : 320

2. Thawktu awm zat :	A nghet	A nghet lo	An vaiin
a) Doctor	27	3	30
b) Nursing Staff	122	62	184
c) Para Medical Staff	23	5	28
d) Thawktu dang	89	34	123
Thawktu zawng zawng	261	104	365

3. **Damdawi in dinhmun enthatna a taka kalpui tan mek a ni :**

Kum 2012 Synod Inkhawmpuiin a lo rel tawh Hospital Dinhmun Enthatna anga kalpui turin April, 2013 atang khan hma lak mek zel a ni. Doctor tha leh inpe kan hmuh theih nan Doctor-te hlawh pawh tih pun a ni. Chutih laiin he Enthatna-in Doctor-te sum hmuhna dang (Private practice) tih a phal loh avangin Doctor 2 chuan an hna an chawlhlan ta. Hospital Administration tluang taka a kal theih nan Director pui turin Coordinator Upa F Lalsangliana dah a ni a, 15th April, 2013 atangin a hna a rawn zawm. Hmachhawp tam tak tihfel nghal mai theih leh zawi zawia tih hlawhtlin tur thil tamtak a la awm a, Kohhranhoten min lo tawngtaipui zel dawn nia.

4. **Surgeon thar kan nei ta :**

Hun engemaw chen kan damdawi in chu mi zai thiam (Surgeon) nei lovin kan awm a nih kha. Kohhranhoten tawngtaia Pathian hnena kan dil fo thin chu Dr C. Lalhmangaihzuala, S/o Upa Lunghnema, Mission Vengthlang chuan Pathian tana rawngbawlna tur, a kova inngat leh a mawhphurhna nia ngaiin 1st May, 2013 atang khan kan Hospital-a Surgeon hna chu a rawn zawm ta, a lawmawm hle.

5. **Zir mek leh zir zo :**

- CMC, Vellore-ah kan Kohhran sponsor-a MBBS zir mi 4 (pali) an awm mek. An zir zawh hunah Service Obligation kum 2 chungah kan damdawi ina thawk tur an ni.
- Dr Lalrinawmi Chhangte chuan CMC, Ludhiana-ah DA (Anaesthesiology) a zir mek.
- Dr Samuel Sailo chuan CMC, Ludhiana-ah DCH (Naupang lam) a zir zawh hnuin July 9, 2012 khan a hna a rawn zawm.
- Dr Lalchandami, D/o Upa Roenga, Leitan Ramthar chu CMC Vellore atanga MBBS tha taka a zawh hnuin Service Obligation, 10th April, 2013 atang khan a rawn thawk.
- Dr Bathsheba H. Lalnuntawmi chuan CMC, Vellore atanga DA (Anaesthesiology) tha taka zir zovin 13th May, 2013 khan a hna a rawn zawm leh ta bawh.
- Kan sponsor-a zir NI.Christine V. Sailo chu M.Sc. Microbiology, CMC, Vellore atanga tha taka zir zovin 11th March, 2013 khan Service Obligation a thawk mek bawh.
- R.C. Lalrengpui leh Vanlallawmtlingi te chuan M.Sc. (Nursing), CMC Vellore atangin tha taka rawn pass chhuakin 1st June, 2013 atangin an hna an rawn zawm. Nursing School pawh an phuisui chho zel e.

6. **Thawktu hna zawm tharte :**

Nikum Hospital Sunday leh tun inkarah thawktu —Doctor 3, Staff Nure 4, Lab. Technician 1 leh IV Grade 3-in hna an zawm thar.

7. **Private Ward leh Student Nurse Hostel sak chhonzawm a ni :**

Private Ward leh Student Nurse Hostel sak mek a ni a, chak zawka hna kalpui a nih theih nan Contractor hnenah pek a ni a. Building sak hna hi April, 2013 atangin chhonzawm a ni a, Private Ward hi kumin 2013 chhunga luah theih ngei tura hmalak a ni.

8. **Damdawi in pawn lam rawngbawlna hnate :**

1) **Mobile Clinic :**

Kum 2012 Hospital Sunday leh May, 2013 inkar chhungin Pastor Bial, Kohhran leh khaw hrang hrang 46-ah Mobile Clinic neih a ni a, damlo 6740 en an ni a. Thawktu indaih loh avangin min sawmtu Bial leh Kohhran zawng zawng kan tlawh thei thin lova, pawl kan ti hle.

2) **Blood Donation :**

Nikum Hospital Sunday leh May, 2013 chhungin Kohhran, KTP, YMA leh Tlawmngai pawl hrang hrangte hnen atangin thisen Unit 4154 kan dawng a, a mamawhte tana thisen petu zawng zawngte chungah lawmthu kan sawi a ni.

3) **Surgical Eye Camps :**

- Surgical Outreach Camps :** Khaw hrang hrang 3-ah neih a ni a, mit 157 zai a ni.
- Base Hospital Eye Camps :** Wawi 11 neih a ni a, cataract 333 zai sak an ni.

9. Project leh hmun danga rawngbawlina :

Kan damdawi in hian Sorkar nena thawhhona chi hrang hrang kan nei mek a, hetiangin :

- a) **Marpara PHC** : Marpara PHC hi Public Private Partnership Mode-in kan damdawi in hian enkawl hna kan kalpui mek a ni a, Doctor-te thla tin an in awm chhawk thin a ni.
- b) **Mobile Medical Unit (MMU)** : Aizawl West District Area-a khaw 40 chuang chu kan damdawi in hian Sorkar aiawhin hriselna lamah a tul anga enkawlina a pe thin a. Thla khatah wawi 2 tal heng area-a khuate hi a inchhawkin tlawh thin an ni.
- c) **Grace Home (HIV/AIDS enkawlina hmun)** : Mizoram State AIDS Control Society-te nena kan thawhhona **Grace Home** enkawlina atana tanpuina kan hmuh thin chu April, 2013 atang khan tihtawp a nih tak avangin HIV/AIDS natna veite enkawl hna hi kan kovah a inngat pumhlum ta a. Hemi enkawl zui dan tur hi enthat mek a ni.
- d) **Drop-in Centre** : Ruihhlo ngaite tanpuina leh enkawlina hmun Sikulpuikawn-a kan neih thin chu Central YMA Building-ah kalpui chhunzawm zel a ni.

10. Thilpek dawnte :

1) Charity Fund :

April 2012 atanga March, 2013 chhunga Charity Fund atanga sum kan hmuh dan chu hetiang hi a ni :-

Charity Fund : Rs. 1,025,952.00
Hospital Sunday : Rs. 410,000.00

2) Donation : Rs. 187,365.00
Grand Total : Rs. 1,623,317.00

Damlo awm man pe hlei thei lo ba tlingkhawm hi Rs. 16,473,627.00 lai a ni a. Mi harsa leh tanpui ngaite tana inpe mi thahnemngai an pung zel a. Nikum lam ai chuan damlo awm man ba pawh a lo tlem ta zawk a ni.

Heng Hospital Sunday leh Charity Fund atana sum tlingkhawm hi Kohhran, pawl leh mimal atanga dawn a ni a, damlo rethei awm man pe thei lo mi 439 te tan hman a ni.

3) Thilpek dang :

Kohhran, mimal leh pawl hrang hrang atangin hetiang hian thilpek kan dawng.

- 1) Thutthlengsei : 62
- 2) Hmunphiah : 1025
- 3) Water Filter : 3
- 4) BP Instrument : 3
- 5) Weighing Scale : 3
- 6) Photometer 5010 : 1 (Rs. 250,000 man)
- 7) Damdawi chi hrang hrang : 34 (Rs. 11,858 man)

Damlo leh mi harsa zawkte tana mi inphal an pung zel a, Kohhran leh mimal-ah puitling zia a lang nasa tual tual a, a thlamuan thlak hle.

ADVERTISEMENT

Aizawl Theological College Campus-a Canteen luah duh te tan a hnuai tarlan ang hian dilna ATC Office-ah thehluh theih a ni.

- 1. Dil theih hun chhung : July 1 - 15, 2013
- 2. Interview : July 18, 2013 (Ningani)
- 3. A hmun : ATC Committee Room

Diltu chuan a theih angin Menu leh a rate ziaka thil tel nise.

REV. PROF. VANLALCHHUANAWMA
Principal, Aizawl Theological College

PATHIAN THU ZIR DUH TAN

Presbyterian Bible School, Mission Veng-ah Session 29-na atan Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

- ♦ Admission Form : Office hun chhungin Rs. 20/- a lei theih a ni
- ♦ Dil hun chhung : August 26, 2013 (Thawhtanni) tlai dar 3:00 thleng
- ♦ Dil thei chin : Class VII passed, kum 16 chin, Kohhran dan chhunga awm
- ♦ Interview : August 29, 2013 (Ningani) zing dar 10:00
- ♦ Class tan hun : September 3, 2013 (Thawhlejni)
- ♦ Zir hun chhung : September - December, 2013
- ♦ Stipend : Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. 8575308007/2317343/2350082-ah zawh theih a ni.

REV. R. LALENGMAWIA
Principal, Presbyterian Bible School

